



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

1. Vndè veniat homini fides Christi.


urn:nbn:de:hbz:466:1-29452

Promissus est spiritus sanctus, & datur in Baptif-
mo, vt adiuuet nostram infirmitatem, Rom. 6. Qua-
tenus expugnemus, ac mortificemus concupiscen-
tias carnis. Gubernat autem & iuuat non ociosos &
ignauos, sed repugnantes peccato, qui lugent & tri-
stantur, quòd sint in regno peccati, Matt. 5. Beati qui
lugent. Securos autem & obstinatos in peccatis, non
iuuat, sic iuuat Petrum Matth. 26. & non Iudam. Sic
vnum latronem, qui doluit de commissis peccatis, al-
tero relicto, Luc. 23. Sic iuuat peccatricem, Luc. 7. re-
licto Pharisæo. Sic iuuat fideles, relicto infidelibus,
&c. Si quis igitur peccauerit etiam mortaliter, re-
deat, Spiritum sanctum imploret, & peccatum expu-
gnet vt gratiam denuò recipiat, sicut Dauid. 2. Reg.
vlti. & Petrus Matth. 26. Primò, remissio peccatorum
precedit in iustificationis actu, deindè iustificatio da-
tur donum, id est, Spiritus sanctus in custodem reten-
tionemq; iustificationis per suos fructus & obedi-
entiam legis, Galat. 5.

CAPVT V.

ARGVMENTA.

1. *Vndè veniat homini fides Christi.*
2. *Quæ sit fides Christiana, & in quo funde-
tur,*
3. *Quomodo cognoscitur & testificatur vera fi-
des esse in homine.*

ERTum est quòd natura nostra ex seipsa
non potest rectè credere: ideò oportet
vt iuuetur aliundè, propterea dicit Apo-
stolus Rom. 10. quòd fides est ex audi-
tu, scilicet verbi DEI: nam oportet
primùm, vt verbum DEI denuncietur, & audiat,
sicut Ioann. tertio. Sic Deus dilexit mundum, vt
B 2 filium

filium suum vnigenitum daret, vt omnis qui credit in illum, non pereat, sed habeat vitā æternam. Acto. 10. Huic omnes prophetæ testimonium perhibent, remissionem peccatorum accipere per nomen eius: Esai. XXVIII. Omnis qui credit in illum, non confundetur. Iohel. 2. Omnis enim quicumque inuocauerit nomen Domini, saluus erit. Hæc & similia loca scripturæ oportet primò vt denunciarentur & audiantur: Deindè opus est, vt auditor credat & non dubitet sic esse, quemadmodum scriptura dicit, eò quòd os Domini ea locutum sit. Et quòd sit impossibile, Deum posse mentiri, Hebr. 6. Postremò, vt auditor roget DEVM, vt donet eam gratiam sibi, quòd credere possit. Nam de num Dei est fides, sicut Christus inquit Petro Matth. 16. Caro & sanguis non reuelauit tibi, scilicet quòd ego sum CHRISTVS filius Dei, &c. Et sic peruenitur ad fidem. Fides est aliud nihil, nisi certa fiducia & spes consequendæ remissionis peccatorum atque salutis propter Christum, ad Heb. 11. Fides est substantia rerum sperandarum, id est, prima fiducia, substantialis fiducia, non opinio rerum sperandarum, quæ propter Christum sunt promissa, scilicet remissio peccatorum, vita æterna, gratia Dei atque misericordia: Argumentum non apparentium: illa credo propter Christum consequi. Et si ratio naturalis illa non apprehendit, quomodò redemptus sim, quomodò mors Christi sit vita mea, & redemptio: atqui fides certò tenet. Quare fides est certa fiducia, **gewisse züuersicht** sine omni dubitatione misericordiæ diuinæ consequendæ propter Christum. Qui ergò sic credit & non dubitat, hic verissimè accipit misericordiam, gratiam DEI, remissionem & vitam. Sic enim Christus Matt. 9. inquit ad cæcos, qui dixerunt, Miserere nostri fili David, quasi dicerent, Restitue nobis visum: & CHRISTVS respondit, Creditis quia hoc possum facere vobis? & dicunt

& dicunt ei: Vtique Domine. tunc tetigit oculos eorum, dicens: Secundum fidem vestram fiat vobis, & aperti sunt oculi eorum. Ergo si certo credimus per Christum consequi remissionem & salutem, tunc verissime illa accipiemus, & fiet nobis secundum fidem nostram. Quare fides est certa fiducia misericordiae diuinae consequendae propter Christum. Fundatur ergo fides nostra super Christum, nempe quod propter ipsum & eius meritum & passionem, nobis remittuntur peccata nostra, & donatur salus: haec est virtus DEI, id est, passio Christi, quae superat peccatum & mortem & sathanam. Per hanc virtutem meriti Christi filij Dei, vult Deus saluare quemcumque saluat: hoc est Euangelium nostrum, quo gloriamur nos Christiani, quoniam CHRISTVS mortuus est pro peccatis nostris, & resurrexit propter iustitiam nostram, scilicet vt in ipso habeamus illam in accusatione peccati, legis & mortis, Rom. quarto, 1. Corinth. decimoquinto. & ideo iactanter & letanter inquit Apostolus Rom. 1. Non erubescio Euangelium. Virtus enim DEI est in illo ad salutem omni credenti, id est, hac virtute & potentia meriti & passionis CHRISTI, vult Deus pater nostri misereri. Et 1. Corinth. 1. inquit Apostolus: Nos predicamus Christum crucifixum, scilicet pro peccatis nostris, Et hoc est iudaeis scandalum, gentibus autem stultitia, sed tamen vocatis sanctis, id est, credentibus DEI virtus: quia haec virtus DEI, passionis & meriti Christi, fortior est peccato & sathana: ideo illa vincit, & saluat credentem. Quisque igitur sibi applicare debet & dicere, CHRISTVS pro me passus est: Et illa applicatio discernit a propria & communi fide, qua credimus pro totius mundi salute Christum passum, 1. Iohan. 2. Si pro peccatis totius mundi, & ego sum pars mundi, ergo & pro peccatis meis mortuus est. Quisque ergo sibi applicare debet Christum.